

# 老人權益中心

## Chinese Grey Power

地址：荃灣沙咀道305號眾安大廈3字樓A1室 Flat A, 3/F., Chung On Building, No. 305 Sha Tsui Road, Tsuen Wan

電話：(852) 2411 0196

傳真(Fax)：(852) 2612 4222

電郵(e-mail)：greypower1997@yahoo.com.hk

### 老人權益中心對「長者貧窮問題」的意見書

## 百萬退休老人 貢獻社會一生 臨老醫食有憂 捱足一世為乜

### 解點你地係香港捱左咁多年，乜都無？

在兩年前立法會選舉後，我們曾經約見立法會內某工商界議員，提出香港有很多貧窮老人晚年無依，希望政府訂立「全民退休保障計劃」，但佢好似不食人間煙火咁反問我們：「**解點你地係香港捱左咁多年，乜都無？**」到底係邊個造成香港今日咁嚴重的貧富懸殊？又係邊個令幾十萬老人臨老醫食有憂？係政府！政府政策一直縱容老闆階層長期壓低工資，剝削低下階層市民，另一方面又唔肯為工人制訂全民退休保障計劃，令老人貧窮問題越來越嚴重。「公僕長俸三千億，邊緣老人唔夠食；綜援金額一減再減，退休保障一拖再拖」這是我們基層長者的不滿之聲。

### 退休無錢攞綜援 政策荒謬不實際

自 1999 年社會福利署修定申請資格，凡長者申請綜援金，必須與同住子女一齊申報入息資產及領取綜援金。由於現時經濟轉型，基層家庭的收入下降，經濟壓力大，部份長者不忍成為子女經濟負擔，寧願遷出獨居或入住老人院，領取綜援，政策反而拆散家庭的支援網絡。而另一些長者因為怕被人話攞綜援，又或者子女不合作，不願簽「衰仔紙」，被逼咬緊牙根，在垃圾堆中執拾再轉賣來維生，出現「**無攞綜援仲淒涼**」的情況！政府「**又話老有所養、又話長幼一家，政策逼人分家，政府自打咀巴！**」這項政策完全違背政府安老政策的方向。

### 香港繁榮我有份 退休保障好應份

我們這班老人憑雙手賺錢吃飯，醫食住行樣樣開支，但僱主剝削，物價貴，人工低，那有多餘錢等退休呢？捱足幾十年，現在「**人又老，錢又無，身體又唔好**」，好多老人都係長期病患者，醫療費貴過食飯。過往「**工人付出青春血汗，香港發左財團商家**」，香港繁榮我有份，政府唔好忘恩負義，現時強積金根本解決不了大部份低下層市民的退休問題，「**安享晚年**」不過是一句口號。我們希望有「**全民養老金**」解決生活需要，唔使綜援左扣右扣，有病有痛的老人可以得到「**免費醫療照顧**」，令長者可以真正「**安享晚年**」！

我們所屬的「**老人權益中心**」，是一個關注及爭取基層及邊緣老人權益的組織，我們一直希望以行動直接參與，影響及改善老人社會福利政策。我們期待各位立法會議員能認真聆聽我們的意見，為我們做一點實事，令我們不至「**晚境淒涼、醫食有憂**」。我們重申：

- 1) 立即把長者的綜援標準金額，調整至「**全民養老金計劃**」倡議每月\$2500 至\$3000 元的水平；
- 2) 要求政府立刻籌備推行全民退休保障計劃，徹底解決香港的老年貧窮問題；
- 3) 要求政府為長者提供免費的醫療服務，保障長者的健康以安享晚年。

2006 年 12 月 14 日